

資州直隸州志

光緒丙子增修

資州直隸州志

本衙藏版

續修資州志序



州志始修於康熙二十五年惟時州治尚屬資縣三韓樸仲甯公懷法值瘡痍之後搜文獻之遺因陋就簡博採勤求創始以助採風而資志始有其緒雍正五年復置資州領縣四洎嘉慶乙亥大興

劉公炯蒞任後奉檄修志乃將一州四縣志纂輯成書例凡十綱舉目張袂然成帙同治三年長沙黃公濟設局續修于人物之忠義節烈訪求添纂而為之請

旌迄今又歷有年所矣竊思人才之奮真實緣山川之鍾毓而忠義節烈孝友耆壽

則又由於

朝廷教化之感奮與夫風俗之敦龐後先  
繼美代不乏人至於踴躍輸將則足以  
覘殷繁之戶口臚列政績則足以知守  
土之廉能其他如藝文著作之有闕於  
州治者亦不可不備錄焉以為文獻之

助非隨時添纂其求免於遺湮之虞  
者鮮矣余自庚午歲蒞茲土迄今六  
易期距黃公去任時又十餘年矣自  
惟譎踈寡效無補於治而於作人振俗  
激濁揚清之願則汲汲焉爰商集州人  
士隨時續修博設採訪將近十餘年間

忠義節烈名姓氏搜輯無遺計凡請  
旌者三百二十餘人以及耆壽孝友行誼諸  
目亦備舉焉稿初就州人士以索序來見  
適余值量移涇南行有期矣爰走筆而  
為之序聊以誌續修之原委至若州治歷  
代之沿革已見於創修名序茲概不贅時

光緒二年丙子閏五月吉日知資州事羅廷權  
鑑平氏撰於清暉堂

續修資州志序

余丙子奉檄權資之歲為州牧羅公  
鑑平量移涇南之日而續志適成州  
人士呈稿於余而丐為序披覽之餘  
參閱舊志既有以見邦人士女咸敦  
古憲之風而羅君之汲之於振勵風教

闡揚幽光者洵為守土之先務武夫資  
為東川孔道余初入境目覩綺壤繡  
錯知戶口之殷繁衣冠樸樸徵民俗  
之勤儉龍山屏峙中江帶縈佳鬱  
葱蘢環抱珠拱固極山水之秀霽川  
蜀之勝槩也按州志始修於康熙二十

五年當兵燹之餘承彫殘之後戶口僅  
百錢糧十餘石以視今州之全盛庶富  
風隆俗美不可同日語矣傳稱衛文公  
弱材訓農敬教勸學元年羊車三十  
乘季年乃三百乘詩云騷牝三千此  
其明效也可知天運循環無往不復苟

非二百餘年休養生聚涵濡於

聖天子覆載生成深仁厚澤者久與文治先  
賢直牧之承流宣化安集教訓有素烏  
能覩茲太平景象也哉且資得山水  
之秀尤為人文淵藪自周漢以迄

國朝代有偉人彪炳史冊指不勝屈若長

虹王褒揚鑣於前趙雄周冕接踵於  
後尤其彰明較著者也茲余承乏權  
篆是邦願州人士共希前型追蹤往哲  
安見古人之必專美於前後賢遂不古  
若哉其他天文地理輿輿隱逸仙釋諸門  
詳於大興劉公纂輯州志中以及修

志原委相繼纂添備具於羅君原序  
若不復贅續志中止列者舊忠義節  
烈藝文著作之類發潛德之幽光植  
名教於不墜此羅君續志之修所由汲  
汲而亦後先守土者之所共任也夫光緒  
二年季夏知資州事陝南黃加焜序



續修資州志序

晉馬翬與佗文獻通攷王沂說  
其有文而無獻豈猷謂是書名  
實心不副哉誠以道非心不立  
政非心不舉教化非心不行風  
俗非心不正心存則文存心心

所繫視文為尤重耳自來謨方  
志者僅志山川關塞賸戶口  
而華陽國志載士女二編後世  
因以始紀人物余謂忠孝節義  
人道之大者非是鼎無關於政  
教於人物奚賢焉



國家崇儒重術二百餘年文學以  
盜起軼荆代自都會郡縣以及  
閭巷賢士大夫以及婦人女子  
涵濡教澤者久明於大義者多  
粵逆倡亂以來屢  
詔量吏褒恤死難之人量吏不盡知

資州直隸州志

序

二

者九卿臺諫言以九卿臺諫不  
盡知者死難之家得自言之於  
是直省設忠義局采訪傳錄上  
史館入志乘者紛然矣蜀中自  
李永和心亂羣盜競起當事督  
師致討歷三載而後定同治二

率余承正資州當軍興之後訪  
查紳民男婦死難者為心請卹  
又節婦烈婦總四百五十七心  
為心請旌竊惟旌文言曰地道  
也妻道也臣道也言婦道从式  
臣子效忠皆稟旌德心堅貞故

至柔而動也剛其關於政教者  
至鉅不可無傳於後也爰與紳  
耆共籌設局續纂州志因人物  
而旁及佗類先州竟而於屬縣  
猶未暇及焉州人本以屬稿麤  
就請序余樂是邦心有心而政

教心可與有成也率書心簡端  
且以為州人勸  
同治三年甲子仲春知資州事  
长沙黃漁撰

志史之一體也自陳壽三國志出而志該全史焉文中子曰古之史辨道今之史耀文無苟作也得史之意變而通之於是郡縣之志唐李吉甫元和郡縣志宋樂史太平寰宇記志地理也明曹學

佺蜀中名勝志志山山也晉常璩梓潼士女志江源士如志志人物也梁江蒨江右遺典志典禮也至宋常棠澌水志則志海監一巨

**結** 並傳藝林登之冊府所以新注式通古今驗民風考形勝志

之作不綦要与資州漢屬犍为郡  
為資中縣後漢因之晉没於李  
特獠人叅居至成季及宋齊或为  
資陽縣戍西魏得其地始置資州  
後周武成時始置資中郡在資陽  
縣隋開皇時始移州來治仍為資

陽郡唐及前後蜀因之宋曰資州  
資陽郡屬潼川路元時州縣俱廢  
至正末明玉珍復置資州明改資  
陽縣

國朝雍正五年復置資州領縣四

資陽即州治內江漢漢安縣仁壽西

魏陵州并研晉西江陽郡也考其  
疆域之離合山川之袤延東通熒  
道南接嘉州西北襟帶潼川與  
益州接壤兼唐東西川之地而有  
之風土沃衍民物殷繁川嶽毓靈  
人才蔚起文學如王褒儒術如杜

撫董鈞忠義如萇宏何臬諸人  
政績如趙旂王嗣直節如趙達勲  
業如虞允文列女如趙媛姜程貞  
玦炳炳烺烺輝映百代南渡以後  
人物尤盛如李道傳心傳及虞  
集虞槃英絕領袖出於一門其

可以光史乘而為型表不皆師師  
儀儀為麟為鳳者乎刺史劉君以  
金臺望族青箱世家由劇縣懋  
著循聲擢總州端奮性完殊躬  
工人績秉良能之準的搯惇史之  
徵音延積學之士賤脩盼采榜

求舊聞載表宏規永新茂實  
爰作州志志凡十櫛比鱗次各以  
類從首尾彌綸甲乙整理宏覽  
博物洋洋可觀覩斯志者知刺  
史政事優暇述古弁今得與都  
人士導揚德化黼黻太平庶幾



秀髦興仁顓愚向義其漸摩益  
深風俗益厚而余忝膺承流宣  
化之責者亦願与守土諸君子  
共敦古慕育德振民以仰答  
天子申畫郊圻宣迪醲化之至意

也夫四川布政使方積序

資州直隸州志

序

五

資州之名創於西魏治陽安後  
周武成二年自陽安移州治資  
陽縣並置資中郡至隋開皇七  
年始自資陽移州今治唐宋以  
來州郡之名累易或屬劔南道  
或隸潼川路前明改州為縣屬

成都府

本朝雍正五年復升為州直隸四川  
布政司領縣四以親民之官而  
兼率屬縣責綦重矣唐書稱負  
半千為常蘄二州刺史常以文  
雅粉澤所至禮化大行古之澄

源出治者類多如是今

天子聖澤滂流全川寧謐時和物阜  
日繪太平大府奏請重脩四  
川通志飭諭府廳州縣各就所  
司搜輯舊志未備者彙稿呈局  
以供采擇夫志者史之一體而

風化之所關也蜀中文獻不徵  
迨及百年矣前代名宦皆以文  
章志其政蹟范石湖之吳船錄  
陸放翁之入蜀記皆志之一體  
然或游目所經覽古搜竒不盡  
志所治以成書也至如袁說友

之成都志趙彥邁之南平志任  
逢之墊江志朱繁之開漢志馮  
崇文之遂寧志趙善贛之南浦  
志楊汝為之富順志廖唐英之  
廣安志韓植之金淵志呂昌明  
郭公益之嘉州志趙抃之成都

古今記曹叔遠之江陽譜李國  
緯之夔州圖經史憲之茂州圖  
經則皆就所治之地而成一家  
言迄今六七百年文采德澤猶  
在人心目間也余不敏以諸生  
從戎洊歷州郡承乏資中緬懷

先型歷數芳躅安集山獠則有  
衛文昇之開誠追正官莊則有  
楊師錫之骨鯁才稱明銳者為  
孫道夫治號簡靜者為師霄遠  
他如劉三策之力與城碎毅魄  
猶存李允簡之心憂民瘼甘霖

立沛皆卓然足後來師法余學  
識譎陋事事不及前人萬一而  
師古振俗之心則未敢稍存懈  
怠爰集多士即一州四縣中有  
關於治者自天文輿地以及職  
官人物彙別區分合為一書上

之 大府質諸同人更寓書譚  
鐵簫通判於纂脩通志之暇更  
為刪節增改迄二年而書始成  
非敢妄擬古人抑亦步趨先哲  
以自鏡而自礪云爾至卷帙起  
記體例關維見於發凡不復贅

時嘉慶乙亥孟夏上浣知州事  
大興劉炯序

州為漢資中治歷代時有遷改明為  
資縣屬成都府今為直隸州統縣四  
不屬府牒直達於道司著為令而志  
乘略焉蓋以兵燹之後文獻闕如雖  
有志而弗脩也 刺史劉君至是邦  
改脩人和百廢俱舉而尤以造就人

村為先務適 大府有重脩省志之  
諭因輯州志以初稿并屬縣各志藁  
合為一書就訂於余余方奉檄纂脩  
通志而漢州張漁璜孝廉在余幕中  
因與折衷而考正之刪其繁蕪去其  
附會幾二年而始卒業因寓書以荅

之曰古人脩志志其貢賦戶口山川  
闕隘而已不載人物也自華陽國志  
有士女二編而人物重焉官斯土者  
拳拳於民情風化思所以樹之風聲  
而後志人物者益詳且脩此古今事  
勢之殊著書者命意之所在不能盡

泥於古人成法也今資多名山水鶴  
鳴玉京重龍天馬支榦絡繹而中江  
自簡資來復縈迴而曲注之代鍾偉  
人後先彪炳漢王褒凌轢古今矣後  
之二趙及李芳鄧謙鄧本端鄧繼曾  
周冕諸君子風裁凜凜向敬宋有文



張萬鍾宋翰清風亮節獨著一時李  
鼎祚李石張元電孫宏軾學問淵懿  
着述尤多其人已往其蹟尚有存者  
願資之士繼軌前賢搜羅遺帙庶幾  
文獻有徵也仁壽自虞忠肅後而剛  
簡而汲而集其表着者也資陽自董

鈞後張方李裕中馮積祿其庶幾與  
井研自李舜臣以易學大其家而性  
傳昆仲各以功名德藝顯繼之者牟  
子才父子若鄧若水黃申胡榮亦皆  
矯然拔俗內江自范崇凱兄弟以雙  
鳳稱至明而始盛其最着者如趙貞

吉之理學名臣陰武卿之焦思體國  
李充嗣之定亂馬鳴鑾之籌邊鄧林  
喬之經市梅友松之懾番彼其人皆  
上應星辰下鍾岳瀆納乾坤於指掌  
措宗社於苞桑為當代之奇人樹後  
生之儀表一時英彥接踵聯鑣各有

建白豈不盛哉豈不休哉夫志之作  
也自天地名物以及政事文章皆當  
博收精別以為掌故之書而余獨喜  
君之眷眷於人物者誠以人臣事  
君之義莫大於進賢而良牧敷治之  
方莫急於造士造士之法鄉有校里

有塾而州郡之學實為之倡月課歲  
餼法綦密矣而賢有司復培養而提  
唱之由是而人文奮起蔚為國華孰  
謂古今人不相及也其他沿革形勢  
隱逸仙釋諸門俱着於編不贅述資  
一州四縣積學勵行之士採葺典故

激揚風俗相與濯磨振勵以無負賢  
使君之意則茲志粗成亦可為他山  
之助也已判夔州府事南豐譚光祜  
序

咸豐八年十二月初一日刷印資州志書

舊志原序

志記之書由來尙矣古者太史陳風採十五國之土宜風俗登之天府以觀其貞淫美惡而流峙飛走之類昆虫草木之屬纖悉無不備具聖君賢相裁成參贊禮樂教化以補覆載生成之偏由是民物各得其所而不知誰爲之者甚盛典也資邑去京師萬里爲川省東道名區山多而地曠差繁而產薄雖累經更變而風俗近古傳曰凡人勞則思資其瘠土之民乎亦採風者所必錄矣甲子秋余奉

資州直隸州志

序

一

命承之資土始至之日比歲不登城郭蕪穢按籍而稽戶口百家錢糧十餘石嗟嗟天下郡邑有若茲之殘廢者乎夫生聚教訓期月三年紀綱之漸以時而進自古然也

國家平蜀三十餘年矣而資仍復爾爾抑獨何歟乃進父老而問之父老曰資巴蜀巖疆也當衝地而多夫馬之勞因寇逆而踵征調之役甫集之哀鴻幾何其能堪此洊臻之饑饉耶生聚之無從無惑也余愀然起懼無以報稱因思夫天地之數無往

不復亂極思治理固然也自有郡縣以來久廢復興不知其凡幾矣豈至於今而獨不然歟吾聞良吏之治殘民如國醫之治久病和平以養之優游以俟之余亦惟是養之俟之去其太甚而勿擾之使哀鴻漸集庶富有基以仰體我皇上綏輯遐荒之盛恩

諸憲臺承流宣化之至意而已其他何敢暇及者乃未幾而捧修志之檄夫修志鉅典也司馬劉班而外尙難其人猥以庸劣曷勝蚊負之懼况文獻

無徵方策淪沒名山勝蹟冷落荒烟蔓草中孰從而一一識之其不至於得一遺二顧此失彼者幾希矣幸布衣周振雷手呈資志一帙雖前後多所殘闕而展卷之餘太平風景依稀遇之耳目中乃知碎瓦頽垣昔日之歌樓舞榭也鬼燐螢火昔日之鳳笙龍笛也荆棲叢薄豕藪鹿場昔日之比櫛林總而阡陌倉箱也且其山川瑞秀靈氣攸鍾宜萇宏爲孔聖師王褒以諫議顯輔相老成有若趙雄忠直敢言有若周冕文章高邁魁天下有若范

崇凱趙達其他忠孝節廉指不勝屈皆炳炳史冊  
留榮千古蓋形勝致之非僅瘠土之故使然也嘗  
見激湍之下必有深潭高邱之下必有浚谷大雪  
之後必有陽春今

聖明御極治教休和薄海內外罔不咸服合覆載以爲  
家胥遐陬而徧德竚見生聚休養盡復隆古之舊  
然則剝極思復夫誠理數之必然矣而烏可以弗  
志哉爰命布衣領其事集邑庠諸生互爲參酌殘  
闕者補之昔無而今有者續之忠孝節烈事出於

資州直隸州志

序

三

明末

國初者亦錄之而余與二三士子提調校正於其間  
顧質直無華辭簡少文不足以塞修明之責然一  
隅之規爲創置似一指諸掌矣敢以是爲採風之  
一助云

峇

康熙二十五年仲秋月資縣知縣三韓樸懷德仲  
寧氏題於抱珠署中